

أبو هريرة راوية السنة | شرح كتاب العلم من صحيح البخاري |

الشيخ الحويني

أبو إسحاق الحويني

ان الحمد لله لله تعالى نحمده ونستعين به ونستغفره وننعواز بالله تعالى من شرور انفسنا وسینات اعمالنا. من يهد الله تعالى فلا مضل له. ومن يضل فلا هادي له. وشهاد ان لا الله الا الله وحده لا شريك له. وشهاد ان محمدا عبده ورسوله - 00:00:00

اما بعد فان اصدق الحديث كتاب الله تعالى واحسن الهدى هدي محمد صلى الله عليه واله وسلم. وشر الامور محدثاتها. وكل محدثة بدعة. وكل بدعة ضلاله وكل ضلاله في النار. اللهم صل على محمد وعلى آل محمد كما صليت على ابراهيم وعلى آل ابراهيم - 00:00:42

في العالمين انك حميد مجید. وبارك على محمد وعلى آل محمد كما باركت على ابراهيم وعلى آل آل ابراهيم في العالمين انك حميد مجید. قال الامام ابو عبد الله رحمة الله تعالى - 00:01:13

باب من سئل علما وهو مشتغل في حديثه فاتم الحديث ثم اجاب السائل قال حدثنا محمد بن سنان حدثنا حاء وحدثني ابراهيم بن المنذر حدثنا محمد بن فليح قال حدثني ابي قال حدثني هلال بن علي - 00:01:36

عن عطاء ابن يسار عن ابي هريرة رضي الله عنه قال بينما رسول الله صلى الله عليه واله بينما النبي صلى الله عليه واله وسلم في مجلسه يحدث القوم جاءه اعرابي فقال متى الساعة؟ فمضى رسول الله - 00:02:13

صلى الله عليه واله وسلم يحدث فقال بعض القوم سمع ما قال فكذب كره ما قال. وقال بعضهم بل لم يسمع. حتى اذا قضى حديثه قال اين اراه السائل عن الساعة؟ قال ها انا يا رسول الله. قال - 00:02:43

قال فاذا ضيغت الامانة فانتظر الساعة. قال كيف اضاعتها قال اذا وسد الامر الى غير اهله فانتظر الساعة. وكنا ذكرنا فيما مضى ما يتعلق بالاسناد من الملح الاسنادية والفوائد الحديثية. ووصلنا الى - 00:03:13

اخرج الحديث الا وهو الصحابي الجليل ابو هريرة رضي الله عنه وابو هريرة له شأن كبير. اذ هو اكثر الصحابة على الاطلاق رواية لحديث النبي عليه الصلاة والسلام وكان ذلك مداعاة للشناعة عليه - 00:03:43

من قبل الروافض وقديما من قبل اهل العراق فانهم استعظاموا عليه ان يروي اكثرا من خمسة الاف حديث. في الوقت الذي لم يرو فيه ابو بكر كما في مسند الامام احمد وهو اوسع مسانيد الاسلام الان - 00:04:13

حدثنا لم يرو عنه الا واحدا وثمانين حديثا ومعلوم ان ابو بكر رضي الله عنه واقدم الناس صحبة للنبي عليه الصلاة والسلام وهو اشدهم لزوما له فلما صنف ابو بكر المروزي - 00:04:43

كتابا في مسند ابي بكر خاصة لم يتجاوز مائة وثلاثة وعشرين حديثا طبعا ليست كل هذه الاحاديث صحاحا. بل فيها الصحيح وفيها الضعيف وفيها الضعيف جدا وفيها المنكر. بل وفي غير مسند الامام احمد الاحاديث الموضوعة ايضا التي تنسب - 00:05:13

ابي بكر رضي الله عنه وعمر بن الخطاب يعني بعض مئات. وعثمان اكثرا قليلا على اكثرا قليلا. اما ابو هريرة فعدة احاديثه في مسند بقى المخلد خمس تلاف تلتمية اربعة وسبعين حديثا. وابو هريرة رضي الله عنه اسلم في - 00:05:45

المحرم سنة سبع من الهجرة. كما يقول عمرو بن علي الفلاس احد مشايخ البخاري. اسلم في اول سنة سبعة في عام خير يبقى مدة اسلامه اربع سنوات ونيف. يبقى فعدد احاديث خمس تلاف تلتمية اربعة وسبعين والذين لازموه ملازمة تامة من اول الاسلام كابي بكر -

لا يصل آآ مسنده الى المئة. الروافض يكرهون ابا هريرة كره العمى حدثني احمد الدين ذهبوا الى طهران بلد عاصمة الروافض ان ابا هريرة يشتم دائمًا كان راكب تاكسي. الرجل اللي بيبحكي لي هذا الكلام - [00:06:45](#)

سوق التاكسي خد مطب قال لعنة الله على ابي هريرة. ده راجل عامي. راكب تاكسي خد مطب. ما ذنب ابي هو في الموضوع. هو ابو هريرة مكره. ليه؟ لأن عدد عدة احاديثه - [00:07:16](#)

بهذه الكثرة التي ذكرتها وانت تعلمون مكانة السنة من القرآن كم من احاديث ابى هريرة بینت مجمل القرآن عائشة رضي الله عنها لما قيل لها وقد صح هذا عنها الا تنتظرين الى الذين يسبون ابا بكر وعمر - [00:07:39](#)

قالت وما تعجبون من ذلك قطع الله عنهم العمل فاحب لا يقطع عنهم الاجر يشتمون فيؤجرون. وقد بين الامام ما لك رحمة الله الغاية من سب الصحابة وشتمهم. فضلا عن تكفيتهم يعني. قال هؤلاء - [00:08:10](#)

يريدون سب النبي عليه الصلاة والسلام لكنهم لا يجرؤون على ذلك. فقالوا له صاحبة سوء وده شيء طبيعي جدا انت تعرف المرء بقرينه فإذا كان اصحاب النبي عليه الصلاة والسلام كفر من اول ابى بكر الصديق وانت نازل. ده طعن على النبي - [00:08:41](#)

النبي صلى الله عليه وسلم ام لا؟ لم يحسن اختيار اصحابه بل اثنى على من لا يستحقون الثناء. اليه هذا طعنا عليه الصلاة والسلام؟ لكنهم لا يجرؤون على الطعن - [00:09:14](#)

علي ابن الطعنة له الكفر مجرد. واحد يشتم النبي عليه الصلاة والسلام. ده كافر خارج من الملة. الذي يسب الله عز وجل او يسب النبي صلى الله عليه وسلم او يسب الدين هذا كافر مرتد يخرج من الملة بمجرد - [00:09:28](#)

حتى الذي يسب الدين في بعض الناس لا يكفرون من يسب الدين. ويقولون كلاما غريبا جدا يقولون ان الذي يسب الدين احيانا يقصد دين المرء لا الدين العام. وطبعا هذا الكلام - [00:09:48](#)

قريب جدا والذى يعني آآ يدل على خلافه العوام لو واحد سب الدين بيجي يقول لك ايه؟ رجع لي ديني. هو نفسه العام اللي بيقول هذا الكلام يقول لك رجع لي ديني. طب ديلك راح فين يا ابني - [00:10:09](#)

طلع ولى فالعلم نفسه وهزه من اقوى القرائن انه لا يقصد ديني من الشخص وكلمة يسب الدين ويقصد ديون الشخص دي عايزاه واحد فقيه واحد فقيه عارف يعني موقع الكلام مش آآ لكن الذي يسب الدين يسب الدين العام. ده التلاتة دول كافر خارج من الملة - [00:10:28](#)

لا يعذر بالجهل في واحد من هؤلاء لأن كل بنى ادم اتفقوا على ان السب تنقيص. وان السب شتم فيش واحد في الدنيا يقول لك السب مدح عشان يقوم يقول لك ايه اصل اختلط عليه المعاني والكلام ده لأن فيه معانى ضيقة - [00:10:51](#)

لا تحتمل معنى اخر معه ده اللي ما ينفعش فيه كلام كقول الرجل لامرأته انت طالق قد علم القاصي والداني ان كلمة انت طالق المقصود بها فك عقدة النكاح. ده مع - [00:11:14](#)

فضيق ما ينفعش تدخل معنى جنبه. طالق كلمة اصطلاحية معناها فك الارتباط لكن لو قال لها علي الطلاق ممكن تحطى معنى كمان جنب الطلاق ولا لأن ممكن تحطى معنى يقول لك ايه يقصد الحلف - [00:11:40](#)

فده معنى اوسع شوية ممكن تحط معنى تاني جنب الطلاق وهو اليمين. انما انت طالق ما تعرفش تحط معنى اخر جنبه ففي كلمات معناها ضيق لا تحتمل معنى اخر بجوارها. وفي كلمة تحتمل اكتر ايه؟ من معنى - [00:12:00](#)

فالسب تنقيص لا يحتمل عن الآخر بجواره خلاص؟ اذا الغاية من سب الصحابة هو سب النبي عليه الصلاة والسلام. وهذا كفر مجرد كما قلت ابو هريرة رضي الله عنه لا يكرهه رجل مس اليمان قلبه - [00:12:22](#)

يدل على ذلك الحديث الذي رواه مسلم واحمد وابن حبان وابن سعد وغيرهم وفي رواية احمد زيادة على رواية مسلم. الزيادة دي هي ايه الحديث ده بيرويه عكرمة بن عمار - [00:12:48](#)

اليماني عن ابى كثیر يزيد ابن عبد الرحمن عن ابى هريرة قال والله ما خلق الله مؤمنا ولا مؤمنة فسمع بي الا احبني قال له ابو كثیر

00:13:10 - هريرة ابا ياذك علمك وما

قال كان لي ام وكانت مشركة وكانت تقع في النبي صلى الله عليه وسلم. فدعاهما ابو هريرة مرتا الى الاسلام فوقف في النبي عليه الصلاة والسلام. يعني شتمته فذهب ابو هريرة الى النبي عليه الصلاة والسلام وهو يبكي. وقال يا رسول الله - 00:13:39 اني دعوت امي الى الاسلام فووقيعت فيك. فادعو الله ان يهدي ام ابي هريرة فقال عليه الصلاة والسلام اللهم اهد ام ابي هريرة قال ابو هريرة فانطلقت اليها ارجو بركة دعوته عليه الصلاة والسلام - 00:14:14

ان تصيب امه فلما ذهب الى الدار وجد الباب مجافل يعني مواري و قال وسمعت خضخضة الماء صوت المية فاحست امه به
قالت على رسليك يا ابا هريرة اقف مكانك - 00:14:44

فرجعت الى النبي صلى الله عليه وسلم وانا ابكي من الفرح - 00:15:15

وأقول يا رسول الله قد أصابتها بركة دعوتك فحمد الله عز وجل وقال خيرا فقلت يا رسول الله ادع الله ان يحببني وامي الى عباده المؤمنين قال اللهم حبب عبيدك هذا وامي الى المؤمنين - 00:15:39

الفرد ما هو اعم من هذا - 00:16:11

قال ابو هريرة فوالله ما سمع بي يهودي ولا نصراني الا احبني ليه بقى؟ لأن لفظ الادب المفرد يختلف عن لفظ مسلم واحمد. لفظ مسلم
واحمد اللهم حبب عبيدك هذا وامه الى المؤمنين - 00:16:31

اما رواية البخاري في الادب المفرد بأسناد مسلم بربضو. قال اللهم حب ابا هريرة وامه الى الناس وطبعا اختلاف اللفظين واضح يعني. الناس اسم جنس محل بالالف واللام يفيد العموم - 00:16:59

لكل طمع ابو هريرة رضي الله عنه ان يكون محبوبا وامه الى جميع الخلق - 00:17:24

وهذا ليس على الله بعزيز. فلا يكره ابو هريرة الا رجل نزع الله عز وجل الايمان من قلبه ابو هريرة رضي الله عنه كما قلت اكثرا
الصحابة حديثنا ما هو السبب يا ترى ؟ لأن اى حد يسأل - 00:17:48

مسند بقية اوسع مسند في الاسلام على الاطلاق. وبقي ابن مخلد هذا قصة - 00:18:12

كبيرة رحل في طلب حديث النبي صلى الله عليه وسلم اربع وثلاثين سنة الرحلة الاولى عشرون عاما والثانية اربعة عشر عاما. ليس هذا بعجيب. المحدثون لهم اعاجيب في هذا لكن الغريب - 00:18:32

انه مشى هذه السنوات على قدمه ما ركب دابة قط في حياته في طلب الحديث اربعة وتلاتين سنة ماشي على رجله ما ركب دابة قط ساكن فين بقيه بقى ابن مخلد - 00:18:59

في الاندلس في اسبانيا ذهب الى العراق وذهب الى مصر وذهب الى الشام وذهب الى الجزيرة ما ترك بلدا الا دخلها ماشيا عشان بس
اللى يجي لي مشوار وراكب مواصلات وبتاع وييجي ما يلاقيش الشيخ هيطلع من هدومه. ورحت وما لقتوش - 00:19:20

فتنة خلق القرآن وكان الكلام ده أيام المعتصم - 00:19:45

وبعد ما المعتصم عمل العملاة السوداء اللي عملها دي وجلد الامام وتبني قول ابن ابي دؤاد عليه من الله ما يستحق القرآن والكلام ده
التقت حلقة البطان ومنع الامام احمد من التحدث - 00:20:05

يعني اعملوا تحديد اقامة يعني. ما فيش حد يلتقي مع احمد. جلس الامام رهين بيته بقى مخلد ده جاي من الاندلس من اسبانيا.
عبر المحيط وجه بقى واخدتها مشى. كعب - 00:20:23

داير كده اول ما دخل بغداد دخل المسجد كده لقى ايه وجد حلقة جزيلة. عليها الايمان ناس كتير اوي ولقى واحد بيسأل ناس يسأله
وهو يجاوب مين ده يا جماعة؟ قالوا له ده يحيى ابن معين - [00:20:43](#)

عمال يسأل ايه؟ يسأل عن رواه ما تقول في فلان آلسقة ضعيف الكلام بتاع يحيى المعروف يعني فوق على القاعة حلقة كده وقال
لهم يا جماعة انا راجل غريب - [00:21:08](#)

بدي اسألكم سؤال؟ قعد يسأل يسأل سؤال ورا سؤال؟ فالجماعة كلهم قالوا له سب لغيرك بقى مجال قال لهم طب انا
هاسأله ايه؟ اسأل سؤال واحد بس. ما تقول في احمد بن حنبل - [00:21:23](#)

ده بيقول لاحد معي قال ومثلي يسأل عن احمد احمد امام المسلمين ترك الحلقة ومضى اسأل عن بيت احمد المحتبل وقد علم ان
احمد منع دلوه على الدار خط على الباب طلع لوحده - [00:21:43](#)

قال له انا بلدي بعيد. قال له انت جاي منين؟ قال له من المغرب قال له لا ابعد. ده جاي من اسبانيا بقى. وقد جئت الى بغداد ورحلتني
اليك. مش عايز حد من بغداد دي كلها غيرك - [00:22:10](#)

قال لعله بلغ كما انا فيه. ان انا ممنوع من التحدث. ممنوع ان التقى باحد قال بلغني وانا رجل مجهول العين في بغداد لا يعرفني احد
وسأريك في زي السؤال. الشحاتين هلبس جلابية مزيتة والبس عمة كده مزيتة - [00:22:37](#)

واجيب عصاية واتوكل عليها واقول لله ومش حد عارفي. اول بس ما اخطط على الباب دخلني بس عندك واديني حديسين اتنين بس
في اليوم. مش عايز اكتر من كده. فرق له الامام احمد. فكان بقى - [00:23:06](#)

كل يوم يجي له بقى ايه رابط الرابطة اياها. وهدومه مزيتة ومعه عصاية بقى وتلاقيه ماشي عمال يعمل كده اهو. عشان ما فيش حد
ياخد باله منه ويروح يخط على الباب - [00:23:27](#)

نحن امام احد يدي له حد يسونه ويمشي حتى رفعت بقى زلة المحننة في اواخر ايام المؤمنون. وايام بالكامل حتى رفع الله عز وجل
المحننة في زمن و حتى الواثق كمان لان الواثق جاء بعد المعتصم - [00:23:37](#)

وبعدين جاء المتكوك بقى يبقى شف المحننة بتاعة خلق القرآن اخر عهد المؤمنون تمام عهد المعتصم تمام عهد الواثق لانه واثق ما
عمرش كتير خد له سنتين ونص كده. وبعدين جاه بقى ايه المتكوك الذي اطلقوا عليه لقب محي السنة - [00:24:00](#)

رفع للمحننة وعظم شأن الامام احمد. كان احمد رحمة الله قبل المحننة اماما في الحديث والفقه وبعد المحننة صار اماما في السنة.
وهناك فرق كبير بين ان يكون اماما في الحديث - [00:24:22](#)

وان يكون اماما في السنة. قد يكون الرجل اماما في الحديث ويكون صاحب بدعة انما لا يكون اماما في السنة الا بعد ان يكون اماما
في الحديث فقيل مخلد قصة كبيرة. قال بقى بن مخلد اللي هو مسنده اكبر مسنده في الاسلام - [00:24:46](#)

بكل اسف مفقود لا نعرف شيئا عن مسنده بقى ابن مخلد. بكل اسف قال لقد زرعت في في الاندلس يعني زرعا لن يخلع الا بخروج
الدجال. وهو الذي ادخل مصنف ابن ابي - [00:25:15](#)

في شيبة الى الاندلس الاندلسيون انما يأخذون مصنف ابن ابي شيبة من طريق بقى المخرج. مصنف ابن ابي شيبة يعني من اعظم
في دواعين الاسلام لا سيما الاحاديث الموقوفة عنده واثار الصحابة والتابعين والكلام ده - [00:25:37](#)

موسى النقيب مخرج قلت لكم مسنده احمد فيه مسنده ابي هريرة فيه خمسة تلتميمية اربعة وسبعين حديثا ما هو السبب يا ترى في
حفظ ابي هريرة هذا؟ السبب شيئا كلاما يتصل بدعة النبي عليه الصلاة والسلام لابي هريرة. طبعا - [00:26:01](#)

نسبيت ان اقول لكم ان صبيا من صبياننا وسفينا من سفهانا. تكلم في ابي هريرة بكلام خلف ساقط ليس فيه لا دين ولا مروءة ولا
اخلاق. شوفوا بقى العناوين التي كتبها - [00:26:31](#)

بالبنط العريض. بونط اربعة وعشرين او تمانية واربعين وبعدين كل الكلام اللي هقوله لكم ده عباره عن عناوين اما التفصيل ده حاجة
مبيبة سودا بونط تمانية واربعين. سقوط اكبر راو لاحاديث النبي عليه الصلاة - [00:27:07](#)

السلام عشان بقول لكم عايشين في وش في وسط شوية غجر. ومن امن العقوبة اساء الادب طبعا ما عندناش الازهر نايم في العسل.

قضية الدين لا تعنيه في قليل كثير - 00:27:33

قضية على هذا السفيه الذي يسب - 00:27:54

الصفحة الاولى من الجرائد ولبسوه العمة بتاعة بابا الفاتيكان - 00:28:15

رفع عليهم قضية. عشان لبسوه العممة.انا لا استهين بهذا. هذا شيء عظيم قلة ادب متناهية رفع له ماضيه وكسبه وتدخل وسطاء وبتاع والكلام ده وليه انه حنين عفا عنه. معناه لا يجوز له ان يعفو عنهم. لانه اذا تنازل عن حق الشخصي فاين حق المشايخ -

00:28:35

اين حق المسلمين لما اكبر منصب في العالم السنوي يوضع على رأسه عمة بابا الفاتيكان ده استهزاء ليس بشيخ الازهر. ولا بالمشيخة استهزاء بكل المسلمين في جنبات الارض ما فيش حد لا شيخ الازهر السابق ولا الموجود الان - 00:29:08

لما يقرأ مسل هذا ممكن يطلع عشان يدافع عن ابى هريرة وعن اصحاب النبى صلى الله عليه وسلم. ويرفع قضية على هؤلاء السفهاء.
وجريدة المحاكم ويأخذوا حكم ما فيش ولا واحد اخدك ساعة حبس - 00:29:34

موجودة في جريدة ساقطة لكاتب ساقط وعايذك يا شيخ الازهر تتخذ اي اجراء مع هذا السفير ده العنوان الكبير سقوط اكابر راو
لحاديث النبي صلى الله عليه وسلم العنوان الثاني - 00:30:05

00:30:25

الرسول صلى الله عليه وسلم سوى سنة وتسعة أشهر - 00:30:58

فمن اين له بكل هذه الاحاديث وكان يقول لو سمع عمر ما اتحدث به عن رسول الله صلى الله عليه وسلم. طبعا الصلاة مني انا لما اقول للرسول صلى الله عليه وسلم انا اللي باصلى عليه. ما باصليش عليه. لو سمع عمر ما اتحدث به - 00:31:25

عن الرسول صلى الله عليه وسلم لشج رأسي سابعاً الرسول طرده من المدينة بعدما ضاق بتصرفاته ثامناً في أول يوم أسلم فيه طلب من الرسول نصيبيه من الغنائم فاهانه صحابي - 00:31:51

وسبت الرسول على اهانته تاسعا خدم الرسول مقابل ملء بطنه كما كان يخدم اهل بلده مقابل طعامه فقط ولم يكن له اسم معروف لا في الجاهلية ولا في الاسلام لقيط يعني - 00:32:13

عاشرًا باع الرسول لمعاوية ببضعة دراهم حادي عشر. عمر منعه من الرواية وعلي قال عنه اكذب الناس على رسول الله صلى الله عليه وسلم أبو هريرة ثانية عشر واجهته السيدة عائشة - 00:32:33

قالة له انك لتحدث احاديث ما سمعتها من رسول الله صلى الله عليه وسلم فقال شغلك عنه المرأة والمكحولة. يريد ان يقول هو قليل
الادب. مع ام المؤمنين. ثالث عشر عندما وقع الخلاف بين علي - 00:32:56

معاوية انحاز الى معاودة الذي كان يمتلك المال والسلطان ومظاهر الترف والتعيم. وابتعد عن علي لانه لا يملك سوى الجوع والقرف والزهد. الكلام ده موجود في مصر بلد الالف مئذنة - 00:33:16

التي ينتقاضى مرتبها عنها ينتقاضى مرتبه للدفاع عن الدين - 00:33:40

وادي الصحابة اهو يشتموا وانا قرأت العناوين فقط. اما التفصيل بقى الموجود في تحت الكلام فهذا كلام لا يطاق سيصبر عليه احد لا يصلح لا قراءته احد. آآ كما قلت لكم اسلم ابو هريرة - 00:34:10

في المحرم في اول المحرم سنة سبع من الهجرة. كما رواه يعقوب ابن سفيان فسوى في كتاب المعرفة والتاريخ وكذلك رواه ابن سعد بسند صحيح. عن ابي هريرة رضي الله عنه قال خرج النبي صلى الله عليه وسلم الى خيبر وقدمت المدينة مهاجرا - 00:34:32

فصليت الصبح خلف سبع ابن عرفة وهذا صاحبى كان النبي صلى الله عليه وسلم استخلفه على المدينة كما كان من عادته صلى الله عليه وسلم ان يستخلف احدا على المدينة اذا خرج في غزوة - 00:35:02

فلما وافى ابو هريرة المدينة وصلى خلف سبع قرأ سبع في الركعة الاولى بسجود مريم وقرأ في الركعة الثانية بسورة المطففين. فلما سمع قوله تعالى ويل للمطففين قال فقلت في نفسي ويل لابي فلان - 00:35:20

رجل من ارض الازاد كان له مكيايان. مكياي لنفسه ومكياي للناس. يطفف في الميزان على الناس اسمه في الجاهلية عبد شمس ابن صخر طبعا مختلف في اسم ابي هريرة. كعادة اهل الجاهلية انه الواحد كان له اسم واثنين وتلاتة واربعة - 00:35:50

والكلام ده ما كانش فيه لا تقييد مواليد ولا الكلام ده. ابو هريرة اختلف الناس في اسمه على ثلاثة قولوا هو ده اللي بيقول لك ايه ليس له اسم لا معروف في الجاهلية ولا معروف في الاسلام. فكان ماذا؟ ايه يعني - 00:36:20

عايز يقول ايه من ورا انه ما لو ش اسم في الجاهلية والاسلام؟ وقد علم القاصي والداني انه في في الاسلام سمي بابي عبد الرحمن هو عبد الرحمن ابن صخر. وبعدين مش عارفين اسمه ايه يعني - 00:36:37

عارفين كنيته ابو هريرة وانما لقب بابي هريرة لانه كان يرعى غنما وبعدين لقى هرة وحشية كده حاطتها في ايه؟ في كم فلما روح للدار سمعوا حاجة بتبنونو كده ابو هريرة ايه اللي بينونه معك ده؟ فقال لهم دي هرة وحشية وقام مطلعها ايه؟ مطلعها من كومه.

قيل له ابو هريرة - 00:36:55

حتى كان يقول كان النبي صلى الله عليه وسلم يلقبني بابي هر. وانتم تلقبون بابي هريرة والذكر خير من الانشى. يا ابو هر عشان هر آآ سبع قط يعني - 00:37:23

تمام والنبي صلى الله عليه وسلم كان كثيرا ما يقول له يا ابا هر زي ما علينا في آآ انبائه رضي الله عنه آآ اما حفظه وتصديق الصحابة اياه فمشهور معلوم. منها حديث رواه الامام مسلم رحمه الله - 00:37:43

من حديث عامر داود بن عامر بن سعد بن ابي وقاص عن ابيه. قال كنت قاعدا عند عبدالله بن عمر طبعا انا بجيبي بعض الاثار لا استطيع ان استوفي ترجمة ابي هريرة. انما كل آآ يعني صفة من الصفات او كل موضوع من الموضوعات هنجيب حديث اتنين او اتنين بس - 00:38:14

لندل على ما نقول عشان ده ترجمة في سند واحنا لسه قادمانا يعني كل صاحبى سيمبرينا سنترجم له ان شاء الله. لكن ابو هريرة رضي الله عنه لانه مفترى عليه فانا ساطيل قليلا في ترجمته - 00:38:34

آآ عامر بن سعد بن ابي وقاص كان جالسا عند عبدالله بن عمر بن الخطاب رضي الله عنهما قال اذ طلع خباب صاحب المقصورة. فقال يا عبدالله بن عمر الا تسمع ما يقول ابو هريرة - 00:38:50

انه سمع رسول الله صلى الله عليه وسلم يقول من خرج مع جنازة من بيته وصلى عليها ثم تبعها حتى تدفن كان له قيراطان من اجر كل قيراط مثل احد - 00:39:10

ومن صلى عليها ثم رجع كان له من الاجر مثل احد. اقصد ان ده حاجة يعني حاجة يروح الدار عند الميت ويفضل موجود ويخرج من الدار ويروح يدفنه ويصلى عليه له قيراطان - 00:39:33

من الاجر القيراط كجبل احد. شف حاجة بسيطة خالص. واجر عظيم. واللي يتبعها بس صلى عليه يعني ياخد ايه؟ قيراط من اجره. ابن عمر طبعا لما سمع هذا الكلام استغربوا جدا - 00:39:53

وقال يا خباب اذهب الى عائشة شف الكلام ده صح ولا أذهب خباب الى عائشة وابن عمر جالس في ايده شوية حصى كده عمال ايه يقلبها في ايده كده ومنتظر خباز - [00:40:11](#)

فجاء خباب فقال قالت عائشة صدق ابو هريرة فقد ابن عمر بالحصيات من يده على الارض وقال لقد فرطنا في قراريط كثيرة زعلان ان هو ايه من عليه جنازات ولم يدبح هذه الايه ؟ الجنائز. في مسند الامام احمد بسند - [00:40:28](#)

صحيح وصححه الحكم ايضا في المستدرك عن ابن عمر انه من بابي هريرة رضي الله عنه وهو يحدث عن النبي صلى الله عليه وسلم من تبع جنازة الحديث يعني اللي فات ده. فقال له ابن عمر - [00:40:57](#)

ابا هر انظر ما تحدث. الكلام اللي انت بتقوله ده كلام مش معقول. اجر عظيم على فعل قليل. ابا هر انظر ما تحدث عن رسول الله النبي صلى الله عليه وسلم فقام ابو هريرة - [00:41:16](#)

واخذه وانطلق الى عائشة رضي الله عنها. فقال لها يا ام المؤمنين اشدق بالله اسمعت رسول الله صلى الله عليه وسلم يقول من تبع جنازة فصلى عليها فله قيراط. فان - [00:41:32](#)

شهد دفنه فله قيراطان قالت اللهم نعم. عائشة اللي بتقول. فقال ابو هريرة انه لم يكن يشغلني عن رسول الله صلى الله عليه وسلم غرس الودي ولا صفق الاسواق اني انما كنت اطلب - [00:41:52](#)

ومن رسول الله صلى الله عليه وسلم اكلة يشبعنها فقال ابن عمر لابي هريرة يا ابا هريرة انت كنت الزمان لرسول الله صلى الله عليه وسلم واعلمنا بحديثه تمام؟ واحد اتنى الى طلحة ابن عبيده قال له هذا

طرحة انتم عارفين احد العشرة. والحديث ده رواه الامام الترمذى وقال حديث حسن غريب واحد قال طلحة ابن عبيدة قال له هذا اليماني ما انت عارف ابو هريرة كان في ناس ما بيحبوش برضو. اكرهوه. هذا اليماني ما لقي حدش ليل نهار والكلام ده. وانتم صحابة النبي - [00:42:42](#)

صلى الله عليه وسلم قبله ترى سمع ما لم تسمعه عشان عمال يتكلم على طول الكلام ده قال طلحة بن عبيده الله له اما ان يكون سمع ما لم نسمع - [00:43:07](#)

فنعم نحن كنا اهل بيوتات وغنى. وكنا نأتي رسول الله صلى الله عليه وسلم طرفي النهار يعدي عليه الصبح وهم بعد ما يدخلوا البهائم والزرائب والكلام ده يروحوا عشان يصلوا معه الايه المغرب والعشاء - [00:43:26](#)

اما ابو هريرة فكان يمشي على ماء بطنه كان من اهل الصفة ما كانش لا يأوي لا الى اهل ولا مال ما عندوش فلوس وعايز يأكل. فكان ماشي مع النبي عليه الصلاة والسلام - [00:43:48](#)

يدور معه حيث دار. طب بالله عليكم واحد غاب مع النبي صلى الله عليه وسلم اربع سنين. بلاش قبل ما اقول المسلح ده المحاضرات اللي انا قلتها لكم على مدار اربع سنين. لو انت حبيت تفرغها ورايا كده. يطلعكم - [00:44:04](#)

قل الحق. انت وهو. كم مجلد؟ انت عارفين فك بشرح كتاب اقوله في قناة الناس. لما فرغوه لي عشان بقى آآ اعمل له الكلام ده. طلع خمس مجلدات كل مجلد ستميت صفحة. فكر الوسائل لو انت لميته كله على بعضه اللي انا قلته في قناة الناس - [00:44:29](#)

ما يجيش يومين على بعض. تمانية واربعين ساعة مسلا ولا خليها ميت ساعة يا اخي خلينا نبحبج شوية. ميت ساعة. ميت ساعة اكتب خمس مجلدات في ميت ساعة. وعلى مدار تلاتين سنة عمال - [00:44:59](#)

ادش معكم اهوت والكلام ده. لو حبيت تكتب الكلام اللي انا قلته. يطلع قد ايه مستكترين على واحد اربع سنين ما لوش شغلانة الا انه بيدور مع النبي عليه الصلاة والسلام. لا يتركه الا في غرفة نومه - [00:45:17](#)

خمس تلاف تلتمية اربعة وسبعين حديثا. تنقسم الاحاديس دي الى اربعة اقسام او خمسة ما صح منها في الصحيح فيها الحسن فيها الضعيف فيها الموضوع فيها المنكر فيها الشاذ فيها الموقوف - [00:45:36](#)

الموقوف على ابي هريرة قالوا من نفسه يعني انا لو حبيت ان انا افرز واغربل احاديث ابي هريرة عن النبي عليه الصلاة والسلام ما صح عن ابي هريرة ما يجيش الفين حديث - [00:45:59](#)

مستكرين على واحد اربع سنوات قاعد ليل نهار يدور معه على ملة بطنه ان يبقى عنده والنبي صلى الله عليه وسلم ما كانش
بيقدر يتكلم بقى زينا كده كان كلامه فصلا - 00:46:14

فصل الحديث بتاعه سطر سطرين يوم يعني ما تكتر او اي نص صفحة. وتكون في العادة حكايات ابو هريرة بيحكيها زي ما هنسمع
دلوتي حكاية عن نفسه خدت صفحة من صحيح البخاري. فيعني كل اللي ابو هريرة رواه في حياته كلها وصح عن النبي
صلى الله عليه وسلم. ما يكملاش هالفين حديث - 00:46:30

مستكرين على برة يقولوا اتجابن منين الكلام ده طيب اقول لكم ومع ذلك اقول لكم جبهة ازاي. اهو طلح ابن عبيد الله بين السبب.
احنا اصحاب بيوتات وغنى والكلام ده وكنا ورا شغلنا. وانتم طبعا كلكم عارفين حديث عمر بن الخطاب هو - 00:46:59

رجل جاره من الانصار اللي كان ينزل عند النبي صلى الله عليه وسلم يوما وينزل عمر يوما عشان ما يفوتهمش حاجة من النبي عليه
الصلوة والسلام. اهو عمر مش فاضي اهو. عنده تجارات وعنه زراعات وعنه بهائم والكلام ده بيروح يعلفها والتجارات يروح عشان
- 00:47:17

والصحة والكلام ده. انما ابو هريرة قاعد ليل نهار. فمن ثمرات جلوسه مع النبي عليه الصلاة والسلام. وملازمته ايات ان النبي عليه
الصلوة والسلام قال والحديث ده موجود في الصحيحين. واذا علم السبب بطل العجب - 00:47:33

قال ودي رواية الاعرج عن ابي هريرة. قال ابو هريرة انكم لتزعمون ان ابا هريرة يكثر الحديث عن رسول الله صلى الله عليه وسلم.
والله الموعود بيقول هنتقابل يوم القيمة. ايها المفترون علي ادي معنى الله الموعود يعني - 00:47:58

كنت رجلا مسكونا اخدم رسول الله صلى الله عليه وسلم على ملة بطني. وكان المهاجرون يشغلهم الصدق بالأسواق صفقوا الأسواق
يسقف يعني ما انت عارف كل واحد في السوق يسقف ويقول قرب قرب ها ما هي كده سبق الأسواق بنبه الناس ان انا عندي
بضاعة معينة تعالوا اشتروا مني - 00:48:24

ده الجماعة الایه؟ المهاجرون. والانصار كانوا اصحاب زرع ان الهوجير راح عليهم في ايه؟ في اراضيهم. تمام؟ ففي يوم من الايام
النبي عليه الصلاة والسلام مع اللي قاعدين قال من يبسط رداءه حتى اقضي مقالي - 00:48:50

ثم يقبضه فلا ينسى شيئا مما اقول. قال ابو هريرة فبسطت ثوبي فلما قضى النبي عليه الصلاة والسلام مقالته جمعت ثوبي علي فما
نسيت شيئا تحدث به قط ايه الغريب اللي في دي - 00:49:16

اصابته بركة دعوة النبي عليه الصلاة والسلام. عشان يطلع لي واحد من الجماعة دول يفكري بي واحد آآ تكفير الهجرة كمان لما سنة
واحد وثمانين وكنا ايه لما رحنا ابو زعب. كنا واحنا في طرة مستريحين. ليه؟ كل اصحاب - 00:49:39

تيار مع بعضهم السلفيين مع بعضهم الاخوان مع بعضهم. التبليغ مع بعضهم الفرامية مع بعضهم. كل جماعة مع بعضهم فلما حبوا
الجماعة بتوع اسيوط احداس اسيوط وبتاع واتوا الزباط واخترقوا مديريات الامن والكلام ده. قصة الجماعة الاسلامية - 00:49:59
حبوا يعملوا سجن طول السخانة. لأن سجن طرة ده زي ما كان الشيخ كشك بيقول. ما يخرجش منه ويطلع الا ملك الموت. بس لكن
حد يهرب منه ما يعرفش. ليه؟ ادي استقبال طرة وحواليه معهد منهج شرطة. ومن - 00:50:17

مش عارف ايه ومن برة ايه منين ما تنتط في اي حنة لازم هتنط في شورت. خلاص فما تقدر تهرب يقوم قال لك الموت يطلع
ويدخل بس هو لوحده فعلشان سجن استقبال طبة ده جوة خالص وحواليه بقى الكلام ده حبوا يعملوا سخانة بتوع الجماعة
الاسلامية - 00:50:37

فهينقلونا احنا بقى الف وخمسينية ستة وتلاتين قائد لان احنا كنا معدودين من قادة السورة. القادة السادات لما قال قال خمسينية ستة
وتلاتين واحد آآ من الجماعة يعني اللي هم الخالص يعني. متحفظ عليهم. ودونا بقى سجن ابو زعلة - 00:50:57

عشان يفرجوا ايه الاستقبال. فقبل ما يودونا ابو زعلة بيصورونا. صورونا كلنا في سلام وامان ما عدا الجماعة الفراماوية بس.
الفرماوي الكبير بتعتهم كان سنه حوالي ثلاثة وتسعين سنه. انذاك. تقربيا صلاحيته خلصت. فكان مع - 00:51:16

عنه ربه. ما يعرفش يقدر في زنزانة والزنزانة كان فيها عشرة. عشرة بتتفزه في الزنزانة مسلا ثلاثة تلاتة ولا حاجة. فكان في الزنزانة

جدار نص كده. اللي فيه دورة الماية وآ السكن بتاعنا - 00:51:41

فكانوا قعدوه على الجدار علشان يشم هوا من الشباك. ليه ؟ لأن ما فيش هوا تحت. وزي ما قلت لكم بتاعه ايه خلص فيباخد هوا عدل من برة على طول يعني. تمام؟ كان الفرماوي يرى التصوير حرام - 00:52:01

ويرى كل سبب حرام تستغل عشان تأكل عيش تبقى كافر. تمام؟ وكانوا لابسين جلابيتين واحدة خضراء وواحدة بيضاء. الخضراء دي للمرمطون اللي يشتغل واكل اللي لابس جلابية بيضا لأن اللي لابس جلابية بيضا وسط - 00:52:21

انما اللي لابس جلابية خضراء ده لسه مرطعون يشتغل ويأكل مين؟ يأكل صاحبنا لابس جلابية بيضا ده. تمام؟ وكان عندهم العيد قومي لانشاء الجماعة بيرحرقوا فيه صحيح البخاري ليه؟ علشان البخاري الشيعي من الاتحاد السوفيت؟ تمام؟ ولان فيه احاديس لعائشة - 00:52:43

وصوت المرأة عوره ها كده يعني. المهم لما جم يصوروهم الفرماوي افتى ان لا يجوز التصوير كانوا هم تقريبا في السجن حوالي خمسة أشهر واحد اتلموا من الزنازين كلها وقاموا داخلين الزنزانة اللي فيها الفرموه الكبير. تمام؟ وقاموا كلهم قاعدين ورا الباب - 00:53:07

يا جماعة عايزيين نصوركم عشان نرحلكم ابدا. تصوير حرام لا يجوز. فخمسة أشهر واحد في الزنزانة كتير قاعد هو على الجدار من فوق بيشم هو لوحده كده. تمام؟ وساب الجماعة يختنقوا تحت. فلما رفضوا وطبعاً قعدوا يصورونا عشان - 00:53:33

رحلونا في حدود يومين ثلاثة كده. فعلشان يخلوهم يستسلموا ويخرجوا من الزنزانة حطوا عسكري على الباب ومنعوه ايه الاكل يدخل لهم عشان في الآخر هيجوعوا وهيسلموا كان في الزنزانة هم كانوا كانوا في الدور الثاني - 00:53:53

الدور الثالث كان فوقهم مباشرة الله يرحمه الشيخ مصطفى درويش. ده رئيس انصار السنة بسوهاج. فطبعاً لما منعوا عنهم الاكل قالوا يا جماعة امن الدولة الزلمة دول. هنسبيهم يموتوا الجماعة دول صحة مبتدعة اولاد ستين في السبعين بس مش ناسهم يموتوا. لازم نتصرف - 00:54:13

ونعمل لهم اكل. فالشيخ مستواه قاطع جزء من البطانية ويربط العيش طبعاً الشباك فوق الشباك وهو في الدور الثالث يقوم ينزل لهم ايه حبل كده فيه عيش. الفرامل ايده في الهوا وجيب عيش وقول له كلوا. ها! ده مائدة عيسى بقى. ها؟ حلاوة وادي لهم - 00:54:33

طبعاً ده كله عمل اعتقاد شديد عند الجماعة دول في الرجال. ما يعرفوش بقى القصة. وان الشيخ مصطفى درويش صعبوا عليه واما بقى ايه يحطوا له معيش و بتاع والكلام ده. فين وفين؟ وقابل مسلية للدموع و بتاع ومش راضيين يفرحوا ابدا. يقاتلوا - 00:55:03 تونة دون الفتوى انت عارف لو احنا زيهم كده يعني في الالتزام بفتوى الشيوخ و بتاع وان كان ولا نحيد عليهم والله كان زماننا حاجة تانية يا خالة تمام؟ ولا اما ودونا بقى ابو زعل - 00:55:23

كانت ميغا بقى الزنزانة تاخ لها اربعين. كنا قبل كده عشرة. فعشرة اخوات مع بعض وحباب واتجاه واحد و بتاع. فما فيش ما فيش حد بينكف حد يعني. لا اول ما رحنا هناك استفادوا بقى ادارة السجن من اللي حصل مع الفرمائية في ايه؟ في مستقبل طرة - 00:55:39

قال لك احسن حاجة تخلி كل زنزانة عدة اتجاهات. يكرهوا بعض ويشتموا بعض ويضربوا بعض. تمام؟ السجن لا يكون الا اذا اختلفنا. لكن طول ما احنا جباب وبنحب بعض ونقوم الليل مع بعض ونسمع لبعض ويؤسر بعضنا على بعض اي - 00:55:59 حاجة يعني لما كنا في ابو زعل الله يرحمه الشيخ عبدالله السماوي وهذا الرجل من احسن من لقيت خلقا في حياتي. رحمة الله عليه فكان يقول لي اخي ابا اسحاق وكان لا يتكلم الا العربية. عمري ما سمعته بيتكلم - 00:56:19

ابد اللغة عامية وحكي لي هو لما سجنوه في ايام عبدالناصر ولا هو بيتكلم باللغة العربية. طبعاً الزابط بيكلمه كده آ او رديحي يعني غير غموس. هو بقى ما بيتكلمش غير الروح العربية بس. فيقوم يقول له ايه اتكلم زينا. يقول له لا استطيع. تمام. يقول له ما اقدرش يقول له لا استطيع - 00:56:39

عملوا فيه ايه بقى المسكين؟ جابوه وصلبوا صفتين عسل اسود ودلوقوا عليه وسابوا الذبان ياكلو. ولم يتكلم العامي برضو نزلوني واتكلم ان شاء الله فكان قال لي مرة يا اخي ابقي اسحاق الا ترى اننا مبذرون؟ قلت له ازاي يا مولانا - 00:56:59

قال لي نقشر البرتقان ونرمي القشر. الله! قلت له سلامتك يا مولانا هو فيه حد بيأكل برتقان بقشره؟ قال نعم. انه لذيد وجميل. جرب. قلت له طب يا مولانا تخلينا نجرب بس اما البرتقانة تصرف - 00:57:25

ده احنا لسه في اول موسمه والقشرة خضراء. وهتبقى مرة. قال اخي ابا اسحاق سل مجربا ولا تسأل طببيا كده يعني بيتكلم عادي خالص يعني. وانا مش قادر استوعب والكلام ده. سبحان الله! والله كلت البرتقانة الخضرا بقشرها لقيتها لزيزة - 00:57:45
جدا. بيدو ان انا حصل لي حاجة انا كمان. لزيزة جدا. قلت فعلا احنا لاقيين اكل ولا بتابع ولا فاتحين كانتين ولا حاجة زي كده. وجايبين لنا طول العرائش الكشك السوسي المفول ده بناكل فيه. طب حلو نمللي بطئنا باي حاجة. قشر حلو. كويسي. كلت فضلت اربع شهور اكل - 00:58:05

معي البرتقان بقشر لحد ما طلعتوا آآ افراج وقلت لاخواتي. قلت له تصدقني ان احنا سفهاء؟ ليه تقوم حد يقشر البرتقان فطبعا بيحلقوا لي كده ده طالع من السجن معافي ده ولا طالع ايه بالزبط لكان - 00:58:25

قلت لهم والله البرتقان جميل. قشره لزيز وكلت اول آآ قطمة رميتها من بقى على طول. ما تحملتها. وكان برتقان اصفر وحلو جميل يعني شوف ربك يقطع ويصل يعني ما ان المعونة على قدر المونة. المهم عمال اطوف بكم واسليكم - 00:58:45
زي بعضه ما جراش حاجة. كنت يعني ذكرت طرفا من هذا الكلام قبل ذلك. الشاهد لما حطونا بقى في زنزانة واحد في ابو زعلب سبعتاشر واحد تكفير وعشرين سنة واتنين فرماوية. تمام؟ تقربيا دول اللي كنا موجودين في الزنزانة. اول ما دخلنا - 00:59:07
نتشاكل مع بعض بتوع التكفير يا جماعة نعد البلاط. عشان نشوف كل واحد نصيهكم. كم بلاطة. عدinya البلاط من اول جدار لآخر جدار طالعة نصيهم مش عدد صحيح. فيه نص بلاطة تبعه. كزا بلاطة ونص. خلاص. لما تيجي تفرش بطانيتك بقى ما تفرش - 00:59:37

عشان تداري نص البلاطة بتاعتهم. حقهم. خلاص. يصبحوا الصبح يعملوا تمارين تمارين سانية ومد وانتنطوا ومش عارفين طبعا احنا نايمين يصحونا من النوم. تمام؟ بيتصرفوا ملکهم. ما فيش حد يقدر يلومه - 01:00:06

تمام؟ انا المرتبة بتاعتي كانت جنب حمزة. حمزة ده راجل فرماوي. لابس جلابية خضراء مرموطي يعني اللي هو ايه بيتصرف على الجلابية البيضا. وآآ مصحفه كان جلدتهبني. انا مصحي كنت بصحى بقى بحفظ في النسخة المصحف المعلم. طبعة المصحف المعلم دي - 01:00:23

مصحي انا جلدته خضرا. فهو عايز الجلدة الخضرا دي. فضل يساومني. وانا فاهم الموضوع وعمال اتمنى المصحف الاخضر اول ما تتغير جلدته يا حمزة حفز بيتوه يقول لي ارجوك اعمل معروف. تمام؟ غابت حالي علي نص يوم كده - 01:00:53
لحد ما اديت المصحف وجلدة خضراء اللي زي جلابيته يعني وكده. وخدت المصحف بتاعه. اول ما يعملا فسحة طبعا كل اصحاب اتجاه يروحوا الزنازين يدوروا على اخواتهم. فيوم الجماعة الفرماوي ييجوا على باب الزنزانة. كانوا الاتنين الفرمانية دول يلعبوا رياضة مع بتوع التكفير - 01:01:13

عشان يجردوا دمهم. طبعا لعب الرياضة كفر. ليه؟ لانه بيأخذ بالأسباب. بيبقى كافر. فيبقى حمزة عرقان بقى عرقه مرقه وبيتنطط مع بتوع التكفير والكلام ده. اول ما بيجي واحد ينادي عليه يقوم لافف نفسه ايه؟ بالتفصي كده وبتابع - 01:01:33
يقول له ايه يا حمزة انت ايه مالك؟ بيقول اصل انا صايم من النوم واحد برد. طبعا عايز يداري العرق بتاعه. الجماعة بتوع التكفير بقى لما غبنا حوالي خمسة واربعين يوم - 01:01:53

او خمسين يوم لو العملية ما تسليش. قالوا يا جماعة عايزين ننازركم. نتناظر معكم يلا ماشي. هنبتدي نتكلم في التكفير واصول التكفير وبتابع والكلام ده. المهم كان فيه واحد اسمه سيد غباشي. سيد ده من شربين. وكان رأس التكفير في في الزنزانة - 01:02:03

وهو اللي بيتنازد معنا. تمام؟ فمرة من المرات اللي خلاني اقول القصة دي كلها الشاهد ده هو ان النبي عليه الصلاة والسلام قال لابي هريرة رضي الله عنه من يبسط رداءه حتى اقضى مقالي ثم يقبض - [01:02:33](#)

فلا انسى فلا ينسى شيئاً اخذه. واحنا بنتكلم جينا على كفر دون كفر. فالشيخ احمد حطيبة ربنا يبارك فيه. الشيخ حطيبة انت اكيد عارفينه اسكندرية. مسجد نور الاسلام كان هو اللي بينازر صاحبنا ده انت ده ابن الشيخ احمد حطيب عشان ينازر مين؟ صاحبنا ده. فالشيخ احمد بيقول له - [01:02:53](#)

بولو ابن عباس يقول كفر دون كفر. وابن عباس توفرت له دعوة النبي عليه الصلاة والسلام اللهم فقهه في الدين وعلمه التأويل. انت توفر لك ايه؟ لما انت بتقول نحن رجال - [01:03:23](#)

رجال. ادي ابن عباس اتوفر له الدعوة دي. انت توفر لك ايه؟ قام قايل له ومن ادراك ان الله استجاب دعاءك نبيه اه والله كده. طبعاً الجماعة التركى في التكفير نفسمهم انكروا عليه. السيد ده بقى خد علاقه - [01:03:43](#)

ترى ما بعد كده. ها؟ ليه؟ لانه اعترض على شكرى مصطفى. بعد ما احنا خرجنا من السجن اعترض على شكرى مصطفى. في بعض ما قل ادوا له علقة محترمة وكاد ان يموت - [01:04:03](#)

ونقلوه سجن القناطر. لانه لو كان فاضل مع التكفير كانوا هيقتلوا. وهو الذي خرج بعد ذلك مع حلم الملك ازن في ندوة على الرأي ووضح التكفير وعمل والى اخره. هؤلاء اللي كاتب هذا الكلام العناوين اللي انا قلتها ده هذا - [01:04:17](#)

لو انا قلت له هذا الحديث وان النبي عليه الصلاة والسلام دعا لابي هريرة حيقول حاجة من اتنين. يا اما يقول كما قال الرجل بتاع التكفير ده يا اما يقول هذا الحديث مكذوب - [01:04:37](#)

ما هو كيف يتخلص من دلالة هذا الحديث؟ ما اعرفش اتخلص من دلالة الحديث. هذا حديث كما قلت لكم رواه الشیخان البخاري ومسلم وفي صحيح مسلم ان ابا هريرة جلس بجانب حجرة عائشة. ما هم بيحتجوا بعائشة ان هي اللي كانت بتذكر على ابي هريرة - [01:04:51](#)

هو جلس بجانب حجرة عائشة. وجعل يحدث عن النبي صلی الله علیه وسلم. وقال يا صاحبة الحجرة اتنكرين شيئاً ماما ثم انتهى مجلس ابي هريرة ومضى فلما انتهت عائشة صلاتها كانت بتصلی - [01:05:10](#)

وابو هريرة يحدث قالوا اتنكرين شيئاً ماما يقول؟ قالت لا لكن رسول الله صلی الله علیه وسلم ما كان يسرد الحديث كسردكم. ادي اللي انكرته عائشة. ان يجلس ابو هريرة في مجلس واحد يقول خمسين ستين حديسة - [01:05:30](#)

لأنبيه صلی الله علیه وسلم ما كانش كده انما كان اذا تكلم بالكلمة يتكلم بها ثلاثاً كما سيأتينا في كتاب العلم انه باب اذا تحدث بالكلمة تحدث ثلاثاً ليفهم عنه. كان من عاداته عليه الصلاة والسلام اذا تكلم بالكلمة اتكلم بقى تلات مرات حتى تفهم عنه - [01:05:54](#) فلم ينكر احد قط من الصحابة على ابي هريرة ولا حتى عائشة. حتى في مستدرک الحاکم لما قالت له يا ابا هريرة ما هذا؟ ما الم تسمع ما سمعنا جايب الكلام ده منين؟ قال يا ام انه كان يشغلك عن رسول الله صلی الله علیه وسلم المکحله والمشط والتتصنع لرسول الله صلی الله علیه وسلم - [01:06:13](#)

اما انا فلم يكن يشغلني احد عن رسول الله صلی الله علیه واله وسلم. انما كنت امراً مسکيناً امشي على ايه؟ امشي على ملء بطني بيقول هذا السفهی کمان قبل ما اغادر النقطة دیت - [01:06:38](#)

الامام النسائي روى في كتاب العلم من سننه الكبرى بسند جوده الحافظ ابن حجر العسقلاني في كتاب الاصابة في تمييز هذا ان رجلا جاء الى زيد بن ثابت فسألته عن مسألة - [01:06:57](#)

فقال له زيد عليك بابي هريرة قال له ليه قال بينما انا جالس انا وابو هريرة وفلان وعمالين ندعى كل واحد يدعى والالتين التانين ايه؟ يؤمنوا على الدعاء بتاعه. تمام؟ فدعا - [01:07:14](#)

زيد قال زيد فدعونه. وصاحب الثاني دعا. بعد ما صاحبى خلص الدعا خرج علينا النبي صلی الله علیه وسلم فسكتنا فقال ماذا كنتم تفعلون؟ قال له يا رسول الله احنا - [01:07:38](#)

ثلاثة كده اتنين يدعوا واحد يدعوا واثنين يأمونوا. قال طيب يلا مين اللي عليه الدور بقى عشان يدعوا ابو هريرة فابو هريرة اختصر بقى الموضوع. قال اللهم اني اسألك ما سألك صاحباي - [01:07:58](#)

ده بقى له ربع ساعة بيدعى وده بقى له ربع ساعة بيدعى واخلصها في ايه ؟ خلصها في كلية. ها اسألك ما سألك صاحباي واسألك علما لا ينسى فقال زيد ابن ثابت يا رسول الله ونحن نسأل الله علما لا ينسى. عشان ما ييقاش تفرد علينا بايه ؟ بحاجة - [01:08:19](#) فقال عليه الصلاة والسلام سبكم بها هذا الغلام الدوسي يعني مش بتاعتهم هو. يا حاجة خاص به ولا لأ ؟ ازا بقت به عكاشة كده. ها ؟ سبكم بها هذا الایه ؟ هذا الغلام الدوسي - [01:08:43](#)

فصارت خصيصة لابي هريرة رضي الله عنه لما بيقول بقى في العناوين الصلعاء بتاعته دي انه ارجوز. تخيل واحد يا اخي يهون عليه يهون عليه ان يكتب قلمه عن صاحب للنبي بيقول لك ولا ما يصحبه الا سنة وست اشهر. افترض صاحبه يوم واحد بس - [01:09:03](#)

من سنة وست اشهر. حد يقول على صاحب نبيه هذا الكلام ؟ الا اذا كان مخلوع الايمان قلب ايمان اتخلع منه كده رجل صاحب نبيه صلى الله عليه وسلم سنة وست اشهر على كلامه. يتكلم عنه الكلام بيقول مجرد ارجوز - [01:09:27](#) طب بقى لمجرد يجوز ليه ؟ محاكم كما قال القائل اذا محسن اللاتي ادل بها عدت عيوبا فقل لي كيف اعتذر كلام ربنا سبحانه وتعالى يمكن ان هو يعامله هذه المعاملة - [01:09:49](#)

اي كلام في الدنيا ممكن تقلبه من مدح الى ذنب. ومن ذم الى مدح. ابو هريرة كان رجلا لطيف المعشر وكان هو امير المدينة. لما كان يركب الناقه او الحمار او الدابة بتاعته وبعدين لابس كتان. طبعا كانوا كلهم لابسين هدومن - [01:10:06](#) الكتان ده ما يلبسوش الا واحد ايه كده يعني من الجماعة اللي فوق اوبي. فكان يتمخض في الكتان. يتمخض يعني ينف فيه وتف فيه. ويقول بخ والله عال. ابو هريرة يتمخض بالكتان. ها - [01:10:36](#)

ويركب الدابة وبعدين كل واحد يقابله اوسع للامير وسع يا ابني انت وهو. الامير جه يقصد كده هذا الخلق الرفيع وطيب المعشر يعتبر انه ارجوز. تخيل ! ولما كان الاولاد العبوا حاجة اسمها لعبه الاعراب زي عسكر وحرامية يعني - [01:10:56](#) تمام ؟ هم بيلعبوا هو يستخبي لهم وهو امير. وبعدين وهم بيعملوا كده رامي نفسه في وسطهم يصرخوا ويجري هنا وهنا وايه الحياة المش عارف ايه ياد والكلام ده. وهو امير - [01:11:20](#)

يقول لك سلوكا مع الاطفال يجعله مجرد ارجوز ده لما رئيس الدولة يطبّب على واحد يقول يا سلام ! الحنون طبّب عليه. ها ؟ يعني انا سمعت الرئيس السابق بعد وفاة حفيده رحمة الله قال انه كان جاي من اسكندرية وبعدين وهو ماشي لقى واحد غلبان مع ابنته - [01:11:39](#)

طبعا الغلبان ده مخبر. هو فيه حد ممكن يمشي كده غلبان كده في السكة كده ؟ عفوا يعني. ها. غلبان فبقول لما مشيت لقيت واحد غلبان وابنه على قارعة الطريق قلت وقف يا ابني اهو ارجع بضررك. نشوف الراجل الغلبان - [01:12:07](#)

فين من الرعية هيسأل عنه يوم القيمة ؟ ها ؟ وقام راجع له. انت قاعد كده ليه ؟ قال له والله كان جنب مستشفى الموسعة في اسكندرية. ايه انت قاعد كده ليه ؟ قال لي والله ابني مش راضيين يدخلوه المستشفى. والواد مريض - [01:12:27](#)

قولوا لا تنطبق عليه الشروط ولا مش عارف ايه حاجة زي كده يعني. ادي امر على طول يدخل المستشفى واظن ان لم تخني الذاكرة يعني عهدي لرؤيي هذا الفيديو بعيد بعثوا فرنسا اظن ولا مش عارف بعثوا ايه الكلام دهوت والكلام ده. يا سلام على المقالات اللي طلعت - [01:12:47](#)

في الكلام على رأفت الرئيس انسانية الرئيس اما اي رئيس يعمل اي حاجة اى حاجة انا شفت آآكتاب لصدام حسين في معرض الكتاب الدولي سنة كم وتسعين كده. صور كله - [01:13:07](#)

يحط ايده على الفرس يقول لك الفارس. الله ! مجرد ما حط ايده على الجحش كده اهو بقى الفارس ها فنى السجادة وقاعد عليها المؤمن ها كل ما يعمل حاجة لازم يحط له صفة فيها. عادة الرؤساء - [01:13:27](#)

بيجي ابو هريرة وهو امير بيتبسط مع الاولاد وهم بيلعبوا لعبه الاعراب والكلام دهوت يقول لك اراجوز شف يا اخي ومن يك ذا فمن مر مريض يجد زد مرا به الماء الزلال - [01:13:50](#)

ولا يعرف لاهل الفضل ولا يعرف الفضل لاهل الفضل الا ذو الفضل. ادي اللي يقول لك ان مجرد اراجوز عشان بيتبسط مع الاولاد ابو هريرة رضي الله عنه اللي بيقول لك يروح للصحابه عشان يأكل يرجعوه - [01:14:11](#)

ما كانش بيأكله بس الا جعفر بن ابي طالب اهو حصل ولكن يا اخي سبحان الله زي ما قلت لكم اذا محاسن اللاتي ادل بها عدة عيوبنا فقل لي كيف اعتذر عفة نفسه - [01:14:32](#)

وترفعه خلاه زي اشعب بيجري على بطنه واهم حاجة بطنه. حديث الجوع بتاعه اللي في صحيح البخاري. يقول والله الذي لا اله ان كنت لاعتمد بكبدي على الارض من الجوع. حتى يجيء الجائى يدخل الجامع - [01:14:47](#)

يجدني اصرع بين المنبر بجانب المنبر فيضع رجله على عنقي يظن ان بي جنونا وليس بي الا الجوع كتر الجوع بيغمى عليه وزي ما زي المشروع مجنون طب ده عايز يأكل - [01:15:12](#)

قال فقدت في طريقهم يوما صلوا الصلاة مرة من المرات وبعدين هو المسجد ده الباب بتاعه معروف الطريق الرئيسي اللي بودي لكل المدينة ووقف لهم. طلع اول واحد من الجامع - [01:15:34](#)

قال فمربي ابو بكر فسألته عن اية من كتاب الله وانها لمعي.انا عارفها كوييس وعارف تأويلاها وعارف كل حاجة ما سأله الا رجاء ان يشبعني كالعادة يعني جعفر بن ابي طالب كان بيعمل ايه بقى؟ من عاداته الجميلة وجعفر طبعا كان كريما جدا. اول ما كان يشوف ابو هريرة وعارف انه ما في الصفة - [01:15:50](#)

غلبان لا له اهل ولا مال. اول ما كان يشوفه كده بيقول لي ايه يا ابو هريرة تعال بس ندردش واحنا ماشيين كده. يقعد يتتساهم معه ويدخله الدار ويتدغدوا ابو هريرة فكر ان كل الناس ايه زي جعفر هياخد باله - [01:16:15](#)

فسأل ابا بكر الصديق رضي الله عنه الاية الفلانية في سورة المائدة ومش عارف ايه و بتاع ما تقول فيها؟ قال له القول فيها كذا وكذا وكذا والسلام عليكم. وسابه واقف جاء عمر شرح تمام؟ ده لو عنده دناوة نفس - [01:16:33](#)

زي ما هذا الحقير بيقول مش كان مشي مع ابو بكر وخلاص؟ ودخل اتغدى وبيقع من الجوع وكان قال له اخوه ادي احنا اخوات نتغدى مع بعض وخلاص ها لم تسمح له نفسه ولا كبرياوه - [01:16:53](#)

ولا عزة نفسه انه يقول لابو بكر انا جعافن. اريد ان اكل من ابو بكر الصديق من عمر بن الخطاب قال حتى جاء ابو القاسم فنظر الي وعرف ما بي. فتبسم - [01:17:14](#)

شف بقى حسن الخلق. البسمة دي تمد جسور الدفه. عند ايبني ادم محرج يعني لو ان لو انا محرج منك وآآنفسى اقول لك كلمة ومش عارف ادخل لك ازاى. فاول ما يشتري - [01:17:36](#)

يا اهلا وسهلا يا مرحبا يا مرحبا. خلاص جرأتنى. ها؟ بتبيش مش اول ما اشوف اعمل كده. عايز ايه يا ترى؟ انا عايز حاجة؟ ها؟ البسمة دي تمد جسور الدفه - [01:17:56](#)

على طول تخليلي بني ادم محرج. النبي صلى الله عليه وسلم عرف ميت جريدة ابو هريرة. مش كده بس. البس حسن خلق. مدت جسور الدفه. نمرة اتنين رخم كنيته - [01:18:17](#)

ابا هر ما قالوش يا ابا هريرة. لأن ابا هر حاجة ايه زي ما يقول لك يا ابو حميد يا ابو حنف يا درش ها حاجات زي كده يعني مما يدل على ان ما فيش كلفة بینا وبين بعض. ها انت انا. قال له ابا هر؟ الحق - [01:18:33](#)

على طول مشي. اول ما دخل وجد اناناء من اللبن. ده منين؟ قال له اهداك اهداه لك فلان ابا هر الحق باهل الصفة. فادعوهم لنا يشروننا في هذا اللبن. اهل الصوفة زي ما بيقولوا السخاوي - [01:18:53](#)

كانوا يكتروا ويقلوا. اكبر عدد لاهل الصفة فوق الربعمية. لما يكونوا العدد كامل يعني فوق الربعمية فقال لابو هريرة هات لنا اهل الصفة نشرب اللبن ده مع بعض. قال فاحزنني ذلك - [01:19:13](#)

ما يفعل هذا اللبن في اهل الصوف؟ لقد كنت ارجو ان اشرب شربة انتقى بها. ادي اول حاجة تزعله. مش هيكتفي. تاني حاجة وانني انا ادعوهم وساق القوم اخرهم شربا يبقى مش هيفضل لي حاجة. تمام؟ قال ولم يكن من طاعة الله ولا طاعة رسوله - [01:19:33](#) هي دي الحتة بقى اللي نتكلم فيها للصبح. ها حتى لو كنت كارها. قل سمعنا واطعنا الجيل الاولاني كله سد وعاز بالكلمة دي. آآ سادة وعز بالكلمة دي راح جاب اهل الصفا. قعدهم. اهل الصفة ابو هريرة يقول اضياف الاسلام لا يؤون الى اهل ولا مال. غلابة - [01:19:56](#) قال لابو هريرة اسقيني يا ابا هريرة خد الاناء برك عليه كده حط ايده عليه وسمى الله عز وجل وقال له اسقهم يشرب ويدي له ويدي للثاني ويشرب وشربه كلهم. واللبن كما هو. فمسك الاناء - [01:20:23](#)

قال له ابا هر؟ قال ليبيك يا رسول الله. قال لم يبق الا انا وانت. ها كت عمال تقول مش هلحق حاجة هيشربوا كله ها مش كنت بتقول كده في نفسك يعني اهو انا انا وانت بس اللي قاعددين - [01:20:43](#) لا اجد له مسلكا. خلاص بطني هتفرقع - [01:21:03](#)

قال ارني بقيت فضلك. فسمى الله عز وجل في مشهدك. ده يتقال عليه طفيلي وكان عمال يلقط جنتته ويروح يدي نفسه لده وده ويردوه كمان. اول ما يفتح الباب يعني يشوفه قافل الباب في وشه. يا اخي حتى كل - [01:21:23](#) كن منصفا تعامل مع الاخبار كما هي. عندك ده خبر يدل على عفة نفسه. ازاي يقلها انه زي يشعب راجل ما عندوش كرامة وكل ما يشوفوه يقفلوا الباب في وشه. حقد دفين على اصحاب النبي بل على النبي عليه الصلاة والسلام. حتى وان حلفوا - [01:21:46](#) بالايمان الغلاظ انه يحب النبي عليه الصلاة والسلام. الكلام له ذيول يعني له ذيول لكنه زي الخفيف ان شاء الله في المرة القادمة اتمم به الكلام. ثم ادخل في تبوب الامام البخاري رحمة الله عليه. اقول قولي هذا واستغفر الله العظيم لي ولكم - [01:22:06](#) - [01:22:26](#)